



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Quod veritas intus loquitur sine strepitu verborum. II

[urn:nbn:de:hbz:466:1-45790](#)

Quod humilibus infestendum est operibus, cum deficitur a summis.	lx
Quod homo non reputet se consolatione dignum, sed magis verberibus reum.	lxx
Quod gratia Dei non miscetur terrena sapientibus.	lxxi
De diversis motibus natura & gratia.	liv
De corruptione nature, & efficacia gratia divina.	lv
Quod nos ipsos abnegare & Christum imitari debemus per crucem.	lvii
Quod homo non sit nimis delectus, quando in aliquos labitur defectus.	lviii
De altioribus rebus & occultis iudicij Dei non scrutandis.	lvix
Quod omnis spes & fiducia in solo Deo est figenda.	lix

## C A P V T I.

De interna Christi locutione ad animam fidem.

2. **A**vidiam quid loquatur in me Dominus Deus. Beata anima, *Psalm. 84.*  
 quæ Dominum in se loquentem audit, & de ore eius consolationis verbum accipit. Beatæ aures, quæ venas diuini susurri *i. Reg. 3.*  
*suscipiunt*, & de mundi huius susurrationibus nihil aduertunt. *Matt. 13.*  
 Beatæ planè aures, quæ non vocem foris sonantem, sed intus  
 auscultant veritatem docentem. Beati oculi, qui exterioribus  
 clausi, interioribus autem sunt intenti. Beati, qui interna pene-  
 trant, & ad capienda arcana cœlestia magis ac magis per quoti-  
 diana exercitia se student preparare. Beati, qui Deo vacare ge-  
 stiunt, & ab omni impedimento seculi se excutiunt.

2. Animaduerte hæc anima mea, & claude sensualitatis tuæ  
 ostia: ut possis audire, quid in te loquatur Dominus Deus tuus. *Psalm. 84.*  
 Hac dicit dilectus tuus: Salus tua ego sum, pax tua, & vita tua. *Psalm. 34.*  
 Seruā te apud me, & pacem inuenies. Dimitte omnia tránsitoria,  
 quæcæterna. Quid sunt omnia temporalia, nisi seductoria? Et  
 quid iuant omnes creaturæ, si fueris à creatore deserta? Omni-  
 bus ergo abdicatis creatori tuo te redde placitam ac fidelem, ut  
 veram valeas apprehendere beatitudinem.

## C A P V T II.

Quod veritas intus loquitur sine strepitu verborum.

1. **L**oquere Domine, quia audit seruus tuus. Seruus tuus sum *i. Reg. 3.*  
*psalm. 118.*  
 Ego, da mihi intellectum, ut sciam testimonia tua. Inclina  
 cor meum in verba oris tui, fluat ut ros eloquium tuum. Dicebat  
 olim filij Israël ad Moysen: Loquere tu nobis, & audiemus; non lo-  
 quatur nobis Dominus, ne forte moriamur. Non sic Domine non sic  
 oro; sed magis cum Samuele propheta humiliiter ac desideranter  
 obsecro: Loquere Domine quia audit seruus tuus. Non loquatur *i. Reg. 3.*  
 mihi Moyses, aut aliquis ex prophetis; sed tu potius loquere Do-  
 mine Deus, inspirator & illuminator omnium prophetarum;  
 quia tu solus sine eis potes me perfectè imbuere, illi autem sine  
 te nihil proficiunt.

2. Pol-

2. Possunt quidem verba sonare, sed spiritum non conferunt, Pulchre dicunt, sed te tacente cor non accendunt. Literas tradit, sed tu sensum aperis. Mysteria proferunt, sed tu reseras intellectus signatorum. Mandata edicunt, sed tu iuuas ad perficiendum. Vim ostendunt, sed tu confortas ad ambulandum. Illi foris tantum agunt, sed tu corda instruis & illuminas. Illi exterius rigant, sed tu fecunditatem donas. Illi clamant verbis, sed tu auditui intelligentiam tribuis.

3. Nō ergo loquatur mihi Moyses, sed tu Domine Deus mens, æterna veritas; ne forte moriar, & sine fructu efficiar, si fuerotatum foris admonitus, & intus non accensus: ne sit mihi ad iudicium verbum auditum & non factum, cognitum, nec amatum; creditum, & non servatum. Loquere igitur Domine, quia audit seruus tuus, verba enim vita æternæ habes. Loquere mihi, ad qualemcumque animæ meæ consolationem, & ad totius vita meæ emendationem, tibi autem ad laudem & gloriam & perpetuum honorem.

## C A P V T III.

*Quod verba Dei cum humilitate sunt audienda, & quod multi ea non ponderant.*

1. **A** Vdi fili verba mea, verba suauissima, omnem philosophorum & sapientium huius mundi scientiam excedentia. Verba mea spiritus & vita sunt, nec humano sensu pessanda, Nō sunt ad vanam complacentiam trahenda, sed in silentio audienda, & cum omni humilitate atque magno affectu suscipienda. Et dixi:

*Ibid.**Psaln. 93.**Hebr. 1.**Isaias 25.*

Beatus, quem tu erudieris Domine, & de lege tua docueris eum; ut mitiges ei à diebus malis, & non desoletur in terra.

2. Ego, inquit Dominus, docui prophetas ab initio, & usque nunc non cessò omnibus loqui; sed multi ad vocem meam surdi sunt & diti. Plures mundum libenter audiunt, quam Deum, faciliter sequuntur carnis suæ appetitum, quam Dei beneplacitum. Promittit mundus temporalia & parua, & seruit eis aviditate magna: ego promitto summa & æterna, & torpescunt mortalia corda. Quis tanta cura mihi in omnibus seruit & obedit, sicut mundo & dominis eius seruitur? Erubetce Sidon, ait mare: Et si causam queris, audi quare. Pro modica præbenda, longa via curritur, pro æterna vita, à multis vix pes semel à terra leuat. Vile pretium queritur, pro uno numismate interdum turpiter litigatur: pro vana re, & parua promissione, die noctu que fatigari non timetur.

3. Sed prohdolor, pro bono incommutabili, pro præmio inex-  
timabili,